



Publicaziuns dalla vischnaunca, jamna 6

Damondas da baghegiar

Nr. 2012-1002

Datum da publicaziun: ils 10 da fevrer 2012

Il patrun: BGS Turtengia, c/o Procura Treuhand AG, Quaderstrasse 7, 7001 Cuera

Il representant: Reto Capeder, architect HTL/STV, Obergasse 1, 7015 Tumein

Object: Construcziun d'ina surbaghegiada da treis casas a mintgamai 7 habitaziuns, parcella 2238, Via Latis 7–9, 7180 Disentis/Mustér

Nr. 2012-1003

Datum da publicaziun: ils 10 da fevrer 2012

Il patrun: Cornel Baur, Brönten 4, 6143 Ohmstal

Il representant: Cornel Baur, Brönten 4, 6143 Ohmstal

Object: Sanaziun dalla casa da vacanzas, parcella 3566 a Caischavedra, 7182 Cavardiras

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 6-2-2012

Uffeci da baghegiar Disentis/Mustér

Sera d'informaziun publica: Invit

Mesjamna, ils 15 da fevrer 2012 allas 20.15 ha liug en halla Cons ina orientaziun publica davart las votaziuns communalas dils 11 da mars 2012. Las votantas ed ils votants vegnan informai sur dalla decisiun da principi davart ina meglieraziun funsila sco era sur dalla revisiun parziala dalla planisaziun locala. Alla fin vegn dau la pusseivladad da tschentiar damondas.

Il messadi per la votaziun dil pievel ei publica sin la pagina d'internet www.disentis.ch – Servis – Documents.

A tuts interessai in cordial beinvegni a quell'occurrenza en favur d'in prospereivel avegnir da nossa vischnaunca.

Suprastonza communal

Relaschada d'ina zona da planisaziun pertuccont l'introducziun da mesiras per promover habitaziuns primaras e l'administraziun da habitaziuns secundaras

Sebasond sin art. 21 dalla lescha davart la planisaziun dil territori pil cantun Grischun (LPT) ha la sup-rastonza communal decidiu ils 6 da fevrer 2012 da decretar pigl entir intschess dalla vischnaunca ina zona da planisaziun. Quella ei in agid per giudicar e fixar mesiras e prescripziuns per promover habitaziuns primaras e l'administraziun da habitaziuns secundaras.

Enteifer la zona da planisaziun eis ei buca lubiu d'interpreter enzatgei, ch'engreviescha ni cunterfa alla nova planisaziun. En special astgan projects da baghegiar mo vegnir lubi, sch'els cunterfan buca allas prescripziuns legalmein valeivlas sco era alla nova planisaziun ed allas novas prescripziuns previdas.



La zona da planisaziun vegn decretada per in cuoz da maximalmein dus onns ed ei d'applicar per tuttas damondas da baghegiar ch'ei aunc buca lubidas entochen questa publicaziun.

Encunter quei conclus sa vegnir recurriu enteifer 30 dis dapi la publicaziun officiala cun ina protesta da planisaziun alla Regenza (art. 101 LPT).

Disentis/Must.r, ils 6-2-2012
Suprastonza communal Disentis/Mustér

Disposiziuns en favur d'in prospereivel avegnir dil turissem

Dapi varga in onn s'occupescha la suprastonza communal da Mustér cun la problematica dallas habitaziuns secundaras. Cantun e Confederaziun pretendan claras disposiziuns sin quei sector. Per quei ha la vischnaunca da Mustér – ensemen cun la suprastonza communal da Tujetsch, igl uffeci cantunal per economia e turissem (AWT) ed igl uffeci per il svilup territorial (ARE) – schau elaborar in studi sur dalla problematica dallas habitaziuns secundaras e mesiras adattadas per reglar quella tematica.

La finamira ei da promover era el futur in sanadeivel e raschuneivel svilup turistic cun valurs restontas. Il rapport final da quella gruppa ei vegnius presentaus igl emprum da fevrer 2012 als parlaments communalas dallas duas vischnauncas. Sco ei seresulta da quella presentaziun, eis ei urgentamein necessari da prender disposiziuns per direger il turissem ella dretga direcziun.

Las suprastonzas communalas preparan cun agid d'ina cussegliaziun giuridica las disposiziuns legalas per mauns dallas instanzas cumpetentas per las decisiuns. Per prevegnir ad exageraziuns e per garantir in tractament equal da tuts interessents, relai la suprastonza communal da Mustér ina zona da planisaziun tenor las prescripziuns cantunalas. Quei instrument lubescha alla istanza da baghegiar d'examinar libramein tuttas damondas e sclarir sch'ellas corrispundan cun las disposiziuns previdas. Aschinavon che quei ei garantiu, sa la lubientscha vegnir concedida, eventualmein cun ina cunvegnientscha denter la vischnaunca ed igl interessent.

Suprastonza communal Disentis/Mustér

Appel a cavaladers e cavalcadras

Il davos temps ha la vischnaunca stuiu prender encunter repetidamein reclamaziuns davart conflicts denter spassegiaders e cavaladers. Ei exista buca in scamond da far diever dallas sendas cun cavals. Tuttina stuein nus appellar alla bunaveglia da cavaladers e cavalcadras da conceder als pedunzs sin las sendas, che vegnan preparadas per quei intent, la preferenza.

La suprastonza communal deplorass, sch'ella stuess per motivs da munconza da capientscha relaschar per las sendas da spassegiarin scamond da cavalcar. Nus supplichein cavaladers e cavalcadras d'untgir las sendas ni da prender il duiv risguard.

Bien engraziament per la capientscha.
Uffeci da baghegiar

Nova senda da spassegiar a Salaplauna

Las bialas relaziuns d'unviern han lubiu d'ereger uonn a Salaplauna ina senda da spassegiar sin la neiv. La senda signalisada entscheiva sut la stalla e meina parallel cun la loipa da cuorsaliunga entorn Salaplauna. Ella vegn mantenida aschiditg che las relaziuns da neiv lubeschan ei.

Nezegei stediament quella nova purschida e gudi la biala vesta sil vitg da Mustér.

Uffeci da baghegiar



Controlla da habitonts
Mortoris

Ida Meier, naschida ils 29-11-1926, morta ils 1-2-2012.

Franz Duff, naschius ils 30-10-1936, morts ils 1-2-2012.

Katharina Zazzi-Laim, naschida ils 8-1-1940, morta ils 5-2-2012.

Center sursilvan d'agricultura
Radunonza generala

Venderdis, ils 24 da fevrer 2012 allas 20.15
el local a Disentis/Mustér.

Cordial beinvegni!
(www.agricultura.ch)

Verein Center sursilvan d'agricultura (CSA)
Einladung zur 4. Generalversammlung

Freitag, 24. Februar 2012, um 20.15 Uhr in den Vereinsräumlichkeiten
im Klosterhof Salaplauna, Disentis.

Traktanden:

Begrüssung

1. Wahl des Stimmenzählers
2. Abnahme der Traktandenliste
3. Protokoll der 3. Generalversammlung 2011
4. Jahresbericht 2011
5. Jahresrechnung 2011
6. Bericht der Revisoren und Genehmigung der Jahresrechnung
7. Budget 2012
8. Demissionen: Präsident und 2 Vorstandsmitglieder
9. Ersatzwahlen
10. Wahlen: Vorstand und Revisoren (Amtsperiode)
11. Mitgliederbeitr.ge
12. Diverses/Mitteilungen

Anträge von Mitgliedern sind bis Montag, 20. Februar 2012, schriftlich an info@mazzetta-bauing.ch oder telefonisch, 076 344 37 21, bei Präsident Iso Mazzetta einzureichen.

Wir sind neugierig und freuen uns auf den kurzen Beitrag von Stefan M. Seydel, Internatsleiter Gymnasium Kloster Disentis, zum Thema: *Leben wir in der periferWie?*

Im Anschluss an die Versammlung offeriert der Verein eine feine Bündner Gerstensuppe. Alle Teilnehmenden sind herzlich dazu eingeladen.

Verein Center sursilvan d'agricultura (CSA)
Vorstand



Uniun da gymnastica UGM
Invit alla radunonza generala

Venderdis, ils 10 da fevrer allas 19.30 el Hotel Alpsu

Cordialmein envida la suprastonza

Uniun samaritana Mustér

Nies εμπrem exercezi meinsil digl onn niev ha liug:

Gliendisdis, ils 13 da fevrer 2012 allas 19.30
en casa da scola, Cons.

Selegrond ad ina stedia participaziun envida
la presidenta

Uniun da dunnas Mustér
Mummas cun affons pigns
Suentermiezdi da scursalar a Sax

Mesjamna, ils 15 da fevrer 2012 ein tuttas mummas cun affons pigns ed era ils affons cun fargliuns envidai a vegnir a scursalar. Nus s'entuppein allas 14.00 avon l'ustria Sax. Annunzias pren Nathalie Lutz sut tel. 081 947 61 94 bugen encunter entochen ils 13 da fevrer 2012.

Sin Vossa participaziun selegran
Mummas cun affons pigns Mustér

Uniun da dunnas Medel
Degustaziun da vin

Mira sut Medel/Lucmagn!

Film «En miu cor»

Siehe/mira sut Cadi!

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00



Biblioteca populara Mustér
Praulas e historias cun Mats, la miur

Eis ti denter 3 e 6 onns? Has ti gust da vegnir cun tia mumma ni cun in'otra persuna d'accumpignament en biblioteca e tedlar praulas ni historias? Mats, la miur e nus dalla biblioteca raquintein a ti ina praula ord in cudisch da nossa valischa da surpresas e quei mintga gada il secund venderdis dil meins dallas 14.30 entochen ca. allas 15.30.

Nus selegrein zun fetg sin tei ...

Tgisà, forsa anflein nus mintgaton aunc enzatgei auter che mo cudischs en nossa valischa da surpresas! Cun ils pli cars salids e sin seveser tochen gleiti.

Mats, la miur ed il team dalla biblioteca populara Mustér

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér